

वा॒ऽअ॒ङ्गिरा ध्रु॒वा सी॒देति स्थि॒रा सी॒दित्येत॒दथो प्र॒ति॒ष्ठिता सी॒देति वा॒चा चै॒वैन-
मेत॒त्प्राणे॒न च चि॒नोति वा॒ग्वा॒ऽअ॒ग्निः प्रा॒ण इ॒न्द्र ऐ॒न्द्रा॒ग्नी॒ऽग्निर्या॒वान॒ग्निर्या॒वत्य-
स्य मा॒त्रा ता॒वतै॒वैनमे॒तच्चि॒नोतीन्द्रा॒ग्नी वै स॒र्वे दे॒वाः स॒र्वदे॒वत्यो॒ऽग्निर्या॒वान॒ग्निर्या॒वत्यस्य मा॒त्रा ता॒वतै॒वैनमे॒तच्चि॒नोति ॥ २८ ॥ तदाहुः । क॒स्माद॒स्या॒ऽअ॒ग्निश्ची॒यत
ऽइति यत्र वै सा दे॒वता व्य॒स्र॒जस॒त तदि॒मामे॒व र॒सेना॒नु व्य॒क्षर॒त्तं यत्र दे॒वाः स-
म॒स्कुर्व॑न्तदे॒नम॒स्या॒ऽए॒वाधि॒ सम॒भर॑न्तसै॒षैकै॒वेष्ट॒केय॒मेवे॒य॒ऽह्य॒ग्निर॒स्यै हि स॒र्वो॒ऽग्नि-
श्ची॒यते॒ सेयं च॒तुःस॒क्तिर्दि॒शो ह्य॒स्यै स॒क्तय॑स्तस्माच्च॒तुःस॒क्तय॑ इ॒ष्टका भ॒वन्तीमा॑
ह्य॒नु स॒र्वा इ॒ष्टकाः ॥ २९ ॥ तदाहुः । य॒दे॒वमे॒केष्ट॒को॒ऽथ कथं प॒ञ्चेष्ट॒क इ॒तीयं न्वे॒व
प्रथ॒मा मृ॒न्मयी॒ष्टका तद्य॒त्किं चा॒त्र मृ॒न्मयमु॒प॒धात्ये॒कैव से॒ष्टका॒थ यत्प॒शुशी॒र्षाण्यु-
प॒धाति सा प॒श्चिष्ट॒का॒थ य॒दुक्क॒पुरु॒षा॒ऽउ॒प॒धाति य॒द्विर॒ण्यश॒कलैः प्रो॒क्षति सा
हिर॒ण्येष्ट॒का॒थ यत्सु॒चा॒ऽउ॒प॒धाति य॒दुलू॒खल॒मु॒सले याः स॒मिध॑ आ॒धाति सा वा-
न॒स्पत्ये॒ष्टका॒थ यत्पु॒ष्कर॒पर्णमु॒प॒धाति यत्कूर्मं य॒दधि॒ म॒धु घृ॒तं यत्किं चा॒त्रान्नमु॒प-
धाति सै॒वान्नं प॒ञ्चमी॒ष्टकै॒वमु प॒ञ्चेष्ट॒कः ॥ ३० ॥ तदाहुः । क॒तर॒त इ॒ष्टका॒याः शि॒र
इति य॒त उप॑स्पृश्य य॒जुर्व॒दतो॒त्यु ह्यै॒क॒ऽआहुः स॒ स्वय॑मातृ॒ष्णाया ए॒वा॒र्धा॒डुप॑स्पृश्य
य॒जुर्व॒दे॒त्तथो ह्य॒स्यैताः स॒र्वाः स्वय॑मातृ॒ष्णाम॒भ्यावृ॒त्ता भ॒वन्तीति न त॒था कुर्या॑द्द॒ङ्गा-
नि वा॒ऽअ॒स्यैता॒नि प॒त्र॒ऽपि य॒दिष्ट॒का यथा वा॒ऽअ॒ङ्गे॒ऽङ्गे प॒र्वन्प॒र्वजि॒ह्वः कुर्या॑त्ताद-
क्त॒यो वा॒व चि॒ते॒ऽग्निर्नि॒धीय॑ते तदे॒वैता॒सा॒ऽस॒र्वासा॒ऽशि॒रः ॥ ३१ ॥ तदाहुः । क-
ति प॒शवो॒ऽग्रा॒ऽउ॒प॒धीय॑न्त॒ऽइति प॒ञ्चेति न्वे॒व ब्रू॒यात्प॒ञ्च ह्ये॒तान्य॒शूनु॒प॒धाति
॥ ३२ ॥ अथो॒ऽए॒क इति ब्रू॒यात् । अ॒वि॒रि॒तीयं वा॒ऽअ॒वि॒रि॒य॒ऽह्ये॒हीमाः स॒र्वाः प्र॒जा
अ॒वती॒यमु वा॒ऽअ॒ग्नि॒र॒स्यै हि स॒र्वो॒ऽग्निश्ची॒यते तस्मा॑दे॒क इति ब्रू॒यात् ॥ ३२ ॥ अथो
द्वा॒वि॒ति ब्रू॒यात् । अ॒वी॒ऽइ॒तीयं चा॒सौ चे॒मे ह्ये॒हीमाः स॒र्वाः प्र॒जा अ॒वतो य॒न्मृ॒दियं
तद्य॒दापो॒ऽसौ तन्मृ॒च्छा॒पश्चेष्ट॒का भ॒वन्ति तस्मा॑द्वा॒वि॒ति ब्रू॒यात् ॥ ३३ ॥ अथो गौ॒रि-